

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
Općinski načelnik

Broj: 07-1598/2016.

Datum: 29.11.2016. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, br.12/03, 34/03 i 65/13), člana 3. Odluke o uslovima i kriterijima u postupku imenovanja u Upravni odbor zdravstvene ustanove u vlasništvu općine Srebrenik („Službeni glasnik općine Srebrenik“, br.1/11 i 4/12) Općinski načelnik objavljuje:

JAVNI OGLAS

za izbor i imenovanje predsjednika i članova Upravnog odbora JZU „Gradska apoteka“ Srebrenik

I -1 – Objavljuje se javni oglas za izbor i imenovanje predsjednika i članova Upravnog odbora Javne zdravstvene ustanove „Gradska apoteka“ Srebrenik, a čiji je osnivač Općina Srebrenik

Upravni odbor Javne zdravstvene ustanove „Gradska apoteka“ Srebrenik broji 3. (tri) člana, od kojih su: jedan član predstavnik osnivača – Općina Srebrenik, jedan član iz reda stručnih uposlenika Javne zdravstvene ustanove „Gradska apoteka“ Srebrenik i jedan član - predstavnik Ministarstva zdravstva TK.

II – OPIS POZICIJE

Upravni odbor je organ upravljanja, čije su nadležnosti sledeće:

- donosi statut ustanove,
- imenuje i razrešava direktora ustanove, odnosno v.d. direktora
- utvrđuje planove rada i razvoja
- utvrđuje godišnji program rada
- donosi finansijski plan i usvaja godišnji obračun
- donosi opšti akt o unutrašnjoj organizaciji i sistematizaciji radnih mjesta i druge opšte akte u skladu sa zakonom
- odlučuje o svim pitanjima obavljanja djelatnosti radi kojih je Ustanova osnovana, ako zakonom nije određeno da o određenim pitanjima odlučuje drugi organ Ustanove
- usmjerava, kontroliše i ocjenjuje rad direktora
- rješava sva pitanja odnosa sa osnivačem
- odlučuje o korištenju sredstava preko iznosa utvrđenog pravilima Ustanove
- odlučuje o prigovoru radnika na rješenja kojim je drugi organ određen statutom ustanove odlučio o pravu, obavezi i odgovornosti radnika iz radnog odnosa
- podnosi osnivaču najmanje jedanput godišnje Izvještaj o radu i poslovanju Ustanove
- vrši i druge poslove u skladu sa zakonom i statutom ustanove

Predsjednik Upravnog odbora saziva sjednice odbora, rukovodi sjednicama odbora, stara se o

pripremi materijala za sjednice odbora, o izvršavanju akata odbora i obaveza odbora prema osnivaču, te druge poslove utvrđene zakonskim propisom i pravilima ustanove.

Predsjednik i članovi Upravnog odbora JZU Gradska apoteka Srebrenik imenuju se na period od četiri (4) godine, uz mogućnost ponovnog imenovanja, u skladu sa važećim propisima.

Imenovani u Upravni odbor imaju pravo na novčanu naknadu u skladu sa odgovarajućom odlukom osnivača ustanove i općim aktima ustanove.

III- USLOVI ZA IMENOVANJE

Kandidati za pozicije iz tačke I moraju ispunjavati sledeće opće i posebne uslove kako slijedi:

A- OPĆI USLOVI:

1. da su državljani Bosne i Hercegovine
2. da su stariji od 18 godina,
3. da se protiv njega ne vodi krivični postupak niti postupak za privredni prijestup za djela koja su smetnja za imenovanje na poziciju u regulirane organe,
4. da se na njih ne odnosi član IX.1. Ustava Bosne i Hercegovine
5. da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije.

B- POSEBNI USLOVI

1. da imaju završenu višu ili visoku stručnu spremu
2. da imaju najmanje tri godine iskustva u struci
3. da nisu članovi upravnog ili nadzornog odbora u više od jednog reguliranog organa
4. da nisu na funkciji u političkoj stranci u smislu član 5.Zakona o ministarskim, vladinim i drugim imenovanjima Federacije Bosne i Hercegovine.
5. da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti Federacije Bosne i Hercegovine i Zakona o sukobu interesa u institucijama vlasti Bosne i Hercegovine,
6. da nemaju privatni interes u ustanovi u kojoj se kandidiraju u smislu člana 2.Zakona o ministarskim, vladinim i drugim imenovanjima u Federaciji Bosne i Hercegovine

IV – KRITERIJI ZA IZBOR I IMENOVANJE

Prilikom izbora kandidata koji ispunjavaju opće i posebne uslove, u postupku sačinjavanja rang liste, uzet će se u obzir sledeći kriteriji:

- stepen obrazovanja,
- radno iskustvo u struci i
- znanje pokazano na intrevjuu

V- POTREBNA DOKUMENTA

Pismene prijave sa kraćom biografijom kandidata treba da sadrži adresu stana, kontakt telefon, te dokaze koji se prilažu uz prijavu na javni oglas u originalu ili ovjerenoj fotokopiji i to:

- uvjerenje o državljanstvu (ne starije od 6 mjeseci)

- izvod iz matične knjige rođenih
- uvjerenje o nevođenju krivičnog postupka i postupka za privredni prijestup (ne starije od 3 mjeseca dostavit će kandidati koji prođu konkursnu proceduru i koji budu imali najbolje rezultate prije donošenja rješenja o konačnom imenovanju).
- dokaz o stručnoj spremi
- dokaz o radnom iskustvu
- ovjerenu izjavu pod tačkom A za redne brojeve 4 i 5 i pod tačkom B za red. br.3 do 6.

VI – DODATNA POJAŠNENJA

Konačno imenovanje svih izabраниh članova Upravnih odbora vrši Općinsko vijeće, a na prijedlog Općinskog načelnika.

Javni oglas će biti objavljen u Službenim novinama Federacije BiH i jednom od dnevnih listova koji izlaze na teritoriji Bosne i Hercegovine, a bit će otvoren 15 dana od dana objavljivanja, računajući od dana poslednjeg objavljivanja.

Prijave sa potrebnom dokumentacijom mogu se dostaviti lično putem pisarnice općine Srebrenik ili preporučenom pošiljkom u zatvorenim kovertama na sledeću adresu: Općina Srebrenik, Služba za boračko invalidsku zaštitu i društvene djelatnosti ul. 211.oslobodilačke brigade, 75350 Srebrenik (sa naznakom za javni oglas za Upravni odbor- ne otvarati).

Sve prijave koje pristignu u propisanom roku pregledat će Komisija za izbor imenovana od nadležnog organa u skladu sa pozitivnim zakonskim propisima , koja će izvršiti bodovanje priložene dokumentacije, obaviti intervju sa kandidatima koji ispunjavaju uslove, sastaviti listu kandidata koji ispunjavaju uslove i kriterije za imenovanje, te predložiti Općinskom načelniku rang listu sa najboljim kandidatima za članove Upravnog odbora Javne zdravstvene ustanove navedene u tački I ovog oglasa..

Podnosioci prijava s kojim se ne stupi u kontakt u roku od 10 dana od isteka roka za podnošenje prijava, neće biti uzeti u razmatranje u daljnjem postupku.

Bilo koji kandidat ili druga zainteresirana stranka ima pravo podnijeti prigovor na konačno imenovanje, ako smatra da se u procesu imenovanja nisu ispoštovali zakonom utvrđeni principi.

Prigovor se podnosi Općinskom vijeću, a kopija prigovora se dostavlja Ombudsmenu za ljudska prava Bosne i Hercegovine .

Neblagovremene i nepotpune prijave neće se razmatrati.

OPĆINSKI NAČELNIK

dr.sci. Nihad Omerović